



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԿՐԹՈՒԹՅԱՆ ՏԵՍՉԱԿԱՆ ՄԱՐՄՆԻ
ՂԵԿԱՎԱՐ

0051, Երևան, Կոմիտասի պողոտա հ. 37/4, հեռ. 203027

№ 24/24/20231-18

« 28 » դեկտեմբերի 2018թ.

ՀՀ հաշվեքննիչ պալատի անդամ
Գ. Ոսկանյանին

Հարգելի՛ պարոն Ոսկանյան,

ՀՀ հաշվեքննիչ պալատի կողմից իրականացված հաշվեքննության արդյունքում կազմված արձանագրության վերաբերյալ մեր առարկություններն ու բացատրությունները ներկայացնում ենք ստորև՝ ըստ արձանագրության մասերի և կետերի.

I մաս. «Տեսչական մարմնի ձևավորումը, գործունեության և ստրուկտուրայի տարեկան ծրագրերը, անկախությունը»


1. Տեսչական մարմինն ամբողջությամբ չի ձևավորվել ՀՀ կառավարության 2017թ. սեպտեմբերի 7-ի N 1150-Ն որոշման 3-րդ կետով սահմանված քառամսյա ժամկետում:

Տեսչական մարմնի ձևավորումը տեղի չի ունեցել մեզանից անկախ պատճառներով: Տեղեկացնում ենք, որ Տեսչական մարմնի ձևավորման ողջ ժամանակահատվածում Կրթության պետական տեսչությունը գործել է, իսկ Տեսչական մարմնի ղեկավարը նշանակվել է 2017 թվականի նոյեմբերի 17-ին: Տեսչական մարմնի խորհրդի կազմը հաստատվել է ՀՀ վարչապետի N 1239-Ա որոշմամբ 2017թ. հոկտեմբերի 31-ին:

2. Տեսչական մարմինը 2017թ. համար չի ունեցել գործունեության տարեկան ծրագիր:

ՀՀ ԿԳՆ կրթության պետական տեսչության 2017 թվականի տարեկան ծրագիրը հաստատվել է «Կրթության պետական տեսչության մասին» ՀՀ օրենքի 7-րդ հոդվածի 4-րդ մասի համաձայն՝ ՀՀ կրթության և գիտության նախարարի 2016 թվականի դեկտեմբերի 23-ի հ. 1335-Ա/2 հրամանով (կցվում է):

3. Տեսչական մարմինը պետական բյուջե գումար չի մուտքագրել 2017-2018թթ.:



Տեսչական մարմինը (Կրթության պետական տեսչությունը) տույժեր կամ տուգանքներ կիրառելու լիազորություն չունի (չի ունեցել), ուստի չէր կարող պետական բյուջե որևէ գումար մուտքագրվել:

4. Տեսչական մարմինը իր հաշվապահական հաշվառումը, գնումների կազմակերպումը և անձնակազմի կառավարումը իրականացրել է ՀՀ Կրթության և գիտության նախարարության միջոցով, որը հանդիսանում է «Տեսչական մարմինների մասին» ՀՀ օրենքի 18-րդ հոդվածի խախտում:

Տեսչական մարմինն իր գործառույթների իրականացման ժամանակ չէր կարող խախտել <<Տեսչական մարմինների մասին>> ՀՀ օրենքի 18-րդ հոդվածի պահանջները, քանի որ փաստացի մինչև օրենքի համապատասխան փոփոխությունը, նշյալ գործառույթն իրականացվել է ՀՀ Կրթության և գիտության նախարարության համապատասխան ստորաբաժանումների կողմից, համապատասխան փոփոխությունից հետո վարչապետի աշխատակազմի ղեկավարի կողմից ստացված գրության հիման վրա՝ (հանձնարարական 18-41, տրված 26.06.2018 թվականին 02/42.1/12321-18 գրությամբ ստացված Mulberry համակարգով) «ՀՀ վարչապետի հանձնարարությամբ՝ հաշվի առնելով տեսչական մարմինների գործունեության առանց ընդհատման ապահովման անհրաժեշտությունը, խնդրում եմ ներկա անցումային փուլում, շարունակել աջակցել դրանց բնականոն աշխատանքներին՝ ժամանակավորապես իրականացնելով տեսչական մարմինների գործունեության ապահովման համար անհրաժեշտ հաշվապահական հաշվառման, ֆինանսաբյուջետային, անձնակազմի կառավարման և կազմակերպատնտեսական, տեսչական մարմնի բյուջեի, ինչպես նաև տեսչական մարմնի կողմից ստուգումների տարեկան ծրագրով չնախատեսված ստուգումների անցկացման հետ կապված վարչական (կազմակերպչական) բնույթի աշխատանքները», որոնք էլ կատարվել են նախարարության կողմից և հանձնարարականի կատարումը չի կարող դիտվել օրենքի դրույթների խախտում:

II մաս. «Տեսչական մարմնի կողմից իրականացված ստուգումները, ստուգաթերթերը և պատասխանաբազմի վրա լիազորությունը»

1. Տեսչական մարմինը չպետք է իրականացներ ստուգումներ 2015 թվականի օգոստոսի 1-ից մինչև 2017 թվականի դեկտեմբերի 31-ը ընկած ժամանակահատվածում, բացառությամբ մանկապարտեզներում և դպրոցներում երեխաների սննդի կազմակերպման նկատմամբ իրականացվող ստուգումների՝ համաձայն ՀՀ կառավարության 2015թ. հուլիսի 30-ի N 839-Ա որոշման:

ՀՀ կառավարության 2015թ. հուլիսի 30-ի N 839-Ա որոշման 1-ին մասի 1-ին կետի համաձայն՝ «2015 թվականի օգոստոսի 1-ից մինչև 2017 թվականի դեկտեմբերի 31-ը «Հայաստանի Հանրապետությունում ստուգումների կազմակերպման և անցկացման մասին» Հայաստանի Հանրապետության օրենքի 2-րդ հոդվածով սահմանված պետական մարմինների կողմից ստուգումները կարող են իրականացվել միայն «պետական կառավարչական հիմնարկներում, պետական ոչ առևտրային կազմակերպություններում, համայնքային ոչ առևտրային կազմակերպություններում», ինչն էլ մեր կողմից իրականացվել է, իսկ 4-րդ կետը («մանկապարտեզներում և

դպրոցներում երեխաների սննդի կազմակերպման նկատմամբ իրականացվող ստուգումների»), որպես բացառություն, վերաբերում է **առևտրային կազմակերպություններին**: Ղեկավարվելով ՀՀ կառավարության վերոնշյալ որոշմամբ՝ Կրթության պետական տեսչությունն իր 2017 թվականի ստուգումների ժամանակացույցից հանել է ոչ պետական հաստատությունները և սահմանված կարգով իրականացրել իր գործառույթները որոշման 1-ին կետում նշված կազմակերպություններում: Իսկ 4-րդ կետում սահմանված՝ «մանկապարտեզներում և դպրոցներում երեխաների սննդի կազմակերպման նկատմամբ իրականացվող ստուգումներ» իրականացնելու լիազորություն Կրթության պետական տեսչությունը չի ունեցել:

Վերոնշյալ գործառույթներում առկա չեն խեղաթյուրումներ կամ անհամապատասխանություններ:

2. Տեսչական մարմինը 2018թ. չի իրականացրել ոչ մի ստուգում:

Առաջարկում ենք «2018թ.» բառերը փոխարինել «2018 թվականի փետրվարի 14-ից մինչև 2018թ. սեպտեմբերի 30-ը» բառերով, քանի որ ՀՀ կառավարության կողմից ստուգաթերթերի հաստատումից (04.10.2018թ.) անմիջապես հետո սկսվել է 2018 թվականի ստուգումների ժամանակացույցով սահմանված ստուգումների գործընթացը:

3. Տեսչական մարմինը 2018թ. չի ունեցել ստուգումների ստուգաթերթեր:

Առաջարկում ենք «2018թ.» բառերը փոխարինել «2018 թվականի փետրվարի 14-ից մինչև 2018թ. հոկտեմբերի 3-ը» բառերով, քանի որ ստուգաթերթերը հաստատվել են 2018թ. հոկտեմբերի 4-ին:

Հարկ է նշել, որ որ ստուգաթերթերը այժմ էլ մշակման, տնտեսավարողների մոտ փորձարկման և շրջանառության փուլեր են անցնում:

4. Տեսչական մարմինը օրենքով սահմանված պատասխանատվության միջոցներ կիրառելու լիազորությունը չի կատարել ոչ 2017թ.-ին, ոչ 2018թ.-ին:

«Տեսչական մարմինների մասին» ՀՀ օրենքով սահմանված՝ պատասխանատվության միջոցների կիրառումը չի կարող տարածվել Կրթության պետական տեսչության 2017 թվականի գործունեության վրա, ուստի արձանագրության սույն կետից պետք է հանել «ոչ 2017թ.-ին, ոչ» բառերը:

«Կրթության պետական տեսչության մասին» ՀՀ օրենքի 18-րդ հոդվածի 1-ին մասի համաձայն («Ուսումնասիրության ընթացքում կրթության բնագավառի օրենսդրության պահանջների խախտում հայտնաբերելու դեպքում Հայաստանի Հանրապետության կրթության գլխավոր պետական տեսչը կամ նրա հանձնարարությամբ տեսչության տարածքային մարմնի ղեկավարը պարզաճ ձևով համապատասխան ուսումնասիրվող սուբյեկտին **նախազգուշացնում է** կրթության բնագավառի օրենսդրության պահանջի խախտման մասին՝ նշելով խախտման հետևանքները վերացնելու միջոցառումները, այդ թվում՝ դրանց կատարման ժամկետը»), բոլոր այն ուսումնասիրվող սուբյեկտները, որոնք կրթության բնագավառի օրենսդրության պահանջի խախտում են թույլ տվել, նախազգուշացվել են ՀՀ կրթության գլխավոր պետական տեսչի կողմից: Այսինքն, պատասխանատվության